

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA

Broj: 02-02-7-111/16  
Sarajevo, 11. 2. 2016. godine

**Z A P I S N I K**  
**OSME SJEDNICE DOMA NARODA PARLAMENTA FEDERACIJE**  
**BOSNE I HERCEGOVINE, održane 11. februara 2016. godine**

Sjednica je počela u 14:20 nakon završetka Pete sjednice.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne.

Izostanak sa sjednice opravdao je Mustafa Kurtović.

Na osnovu evidencije Stručne službe, predsjedavajuća je konstatovala da sjednici prisustvuju 42 delegata, što čini većinu, te Dom naroda može raditi i punovažno odlučivati.

Prije prelaska na rad, predsjedavajuća je obavijestila delegate da su delegatkinje iz Doma naroda formirale Klub delegatkinja Doma naroda i donijele Poslovnik o radu Kluba.

Zatim, predsjedavajuća je dala na glasanje Zapisnik Sedme vanredne sjednice Doma naroda Parlamenta Federacije Bosne i Hercegovine, održane 29. decembra 2015. godine, Zapisnik Sedme sjednice Doma naroda Parlamenta Federacije Bosne i Hercegovine, održane 17. decembra 2015. godine i Zapisnik Tematske sjednice Doma naroda Parlamenta Federacije Bosne i Hercegovine, održane 21. januara 2016. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, bez primjedbi, sa 41 glasom za, usvojio Zapisnik Sedme vanredne sjednice Doma naroda Parlamenta Federacije Bosne i Hercegovine, održane 29. decembra 2015. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, bez primjedbi, sa 39 glasova za, usvojio Zapisnik Sedme redovne sjednice Doma naroda Parlamenta Federacije Bosne i Hercegovine, održane 17. decembra 2015. godine.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, bez primjedbi, sa 39 glasova za, usvojio Zapisnik Tematske sjednice Doma naroda Parlamenta Federacije Bosne i Hercegovine, održane 21. januara 2016. godine.

Zatim, predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije Bosne i Hercegovine, pozvala je delegate da, ukoliko žele, postave delegatska pitanja i pokrenu inicijative.

### **Delegatska pitanja i inicijative**

**Damir Jukić** postavio je dva pitanja.

Prvo pitanje postavio je Poreznoj upravi Federacije i Federalnoj upravi za inspekcijske poslove u vezi sa prekomjernim inspekcijskim nadzorom na području općine Žepče. Zatražio je dostavu broja izvršenih inspekcijskih nadzora na području općina u Zeničko - dobojskom kantonu, iznosu izrečenih kazni i broju registrovanih fizičkih i pravnih privrednih subjekata u ovim općinama.

Drugo pitanje postavio je Poreznoj upravi Federacije u vezi sa nacionalnom strukturom rukovodilaca u Poreznoj upravi Federacije, Kantonalnom poreznom uredu u Zenici i poreznim ispostavama u Zeničko - dobojskom kantonu.

**Segmedina Srna Bajramović** izrazila je nezadovoljstvo dobijenim odgovorom Federalnog ministarstva za rad i socijalnu politiku na Inicijativu o drugačijem utvrđivanju raspodjele sredstava od igara na sreću. Također, izrazila je nezadovoljstvo odgovorom Federalnog ministarstva kulture i sporta u vezi sa kriterijima za dodjelu sredstava, te zatražila dostavljanje izvještaja o primjeni kriterija prilikom ocjenjivanja pristiglih prijava.

Postavila je pitanje Vladi Federacije i Federalnom ministarstvu zdravstva u vezi sa projektom pripajanja Javne zdravstvene ustanove Opća bolnica primarijus „Abdulah Nakaš“ Sarajevo Univerzitetском kliničkom centru Sarajevo i zatražila dostavljanje dokumentacije o imenovanju Upravnog odbora Univerzitetског kliničког centra Sarajevo.

**Rasim Kantarević** postavio je jedno pitanje i pokrenuo inicijativu.

Postavio je pitanje Federalnom ministarstvu kulture i sporta - Šta je poduzelo u cilju zaštite kulturno-historijskog nasljeđa na području Unsko-

sanskog kantona, a posebno u općinama Cazin i Velika Kladuša - te zatražio pismeni odgovor. Zatražio je da se u odgovor uvrsti i Plan sanacije utvrđenog grada Podzvizda i tvrđave Vrnogršta, te područja Starog grada Podrovo.

Pokrenuo je inicijativu da se dnevni red jedne od narednih sjednica Doma naroda uvrsti Prijedlog zakona o izmjenama i dopunama Zakona o pravima branilaca i članova njihovih porodica s ciljem implementacije presuda Ustavnog suda Federacije, broj: U-22/04 od 4.5.2005. godine i broj: U-8/13 od 1.10. 2013. godine.

**Edin Forto** pokrenuo je inicijativu kojom je zatražio od Federalne uprave za inspeksijske poslove da hitno djeluje radi zaštite okoliša i zdravlja stanovništva na području u blizini industrijske zone Tuzla. Zatražio je da Uprava, odnosno Urbanističko-ekološki inspektorat, naloži firmi Organika BH da preduzme hitne mjere uklanjanja i propisnog zbrinjavanja svih vrsta opasnog otpada iz kruga nekadašnje fabrike Polihem. Također, zatražio je da inspekcija ispita nepropisno odlaganje koksa, deponovanog na području industrijske zone Tuzla i nekadašnjem odlagalištu komunalnog otpada Molve.

**Željko Mirković** postavio je dva pitanja.

Prvo pitanje tiče se količine depozita koju državljani BiH imaju u državama Evropske unije i Švicarske. Upitao je da li je poznat podatak o sumi u stranim bankama kojom raspolažu državljani BiH. Obavijestio je Dom naroda da je pokrenuo Inicijativu za oporezivanje kamate na štednju, odnosno da se ova kamata tretira kao dohodak i da se oporezuje po stopi od 15%.

Drugo pitanje postavio je MUP-u Kantona Sarajevo, a odnosi se na broj ukradenih automobila na području Kantona Sarajevo, mjestu krađe, marke ukradenih automobila i upitao je da li su pronađeni. Zatražio je da mu se dostavi pregled krivičnih djela razbojništva i krađe u 2014. godini.

**Almedin Aliefendić** postavio je tri delegatska pitanja Federalnom ministarstvu energije, rudarstva i industrije.

Prvo pitanje odnosi se na planiranu i ostvarenu proizvodnju po mjesecima u protekla četiri mjeseca u rudniku mrkog uglja Kakanj. Zanima ga šta će menadžment Elektroprivrede poduzeti s ciljem pomoći i podrške eksploatacije uglja u ovom rudniku.

Drugo pitanje postavio je menadžmentu Elektroprivrede BiH u vezi sa preispitivanjem povjerenja upravama rudnika uglja koji negativno posluju, odnosno ne ispunjavaju planirani obim proizvodnje.

Treće pitanje u vezi sa dostavom informacije o nabavci transportnog sistema sa dizel lokomotivom sa donjom šinom i ozubljenom letvom u jami Devići Bištrani rudnika mrkog uglja Kakanj, također je upućeno menadžmentu Elektroprivreda BiH.

**Sladjan Ilić** postavio je tri delegatska pitanja.

Prvo pitanje upućeno je Federalnom ministarstvu prometa i komunikacija i Direkciji cesta Federacije BiH. Upitao je zašto se ne koristi domaća tuzlanska so za održavanje puteva na teritoriji Federacije BiH i ko je odgovoran što je tender za nabavku soli napravljen prema kvalitetu i kapacitetu uvozne soli iz Egipta.

Drugo pitanje postavio je Federalnom ministarstvu energije, rudarstva i industrije i Javnom preduzeću Elektroprivreda BiH, a koje se odnosi na iznos isplaćene naknade za zagađenje zraka u 2014. i 2015. godini po rješenjima koje je izdao Fond za zaštitu okoliša Federacije Bosne i Hercegovine u Termoelektrani Tuzla i Termoelektrani Kakanj.

Treće pitanje postavio je Javnom preduzeću Elektroprivreda BiH, a odnosi se na broj registrovanih mjernih mjesta u Elektroprivredi BiH koja posjeduju fizička i pravna lica, i koliki je prihod ostvaren po osnovu naplate takse za mjerno mjesto u 2015. godini.

**Admir Hadžipašić** zatražio je od Tužilaštva Bosne i Hercegovine i SIPA-e dostavljanje spiska firmi koje su osumnjičene za zloupotrebu izvoza mesa u Republiku Tursku.

**Mirvet Beganović** izrazio je nezadovoljstvo dobijenim odgovorima na Inicijativu i pitanja koja je postavio. Izrazio je nezadovoljstvo neodržavanjem tematske sjednice Doma naroda u vezi sa stanjem u poljoprivredi u Federaciji. Zatražio je odgovore na pitanja koliko je prenesenih obaveza po osnovu poticaja iz proteklog perioda po osnovu duga poljoprivrednim proizvođačima i kakva je situacija sa proizvodnjom mlijeka u Federaciji.

Uputio je inicijativu prema Vladi Federacije i Federalnom ministarstvu poljoprivrede, vodoprivrede i šumarstva da pokrenu aktivnosti na izradi nove sorte liste za Federaciju i Bosnu i Hercegovinu.

Delegatsko pitanje postavio je Federalnom ministarstvu poljoprivrede, vodoprivrede i šumarstva, Vladi Federacije i premijeru Federacije, a tiče se prodaje imovine Agrokomerc d.d. Velika Kladuša.

**Anes Osmanović** postavio je tri pitanja i pokrenuo inicijativu.

Prvo pitanje odnosi se na dostavljanje izmjena i dopuna Zakona o igrama na sreću u parlamentarnu proceduru.

Drugo pitanje upućeno je Federalnom ministarstvu kulture i sporta, a odnosi se na (ne)istinitost podatka da nijedan rukovodeći službenik - Bošnjak - iz Federalnog ministarstva kulture i sporta, nije imenovan ni u jednu komisiju u ovom ministarstvu od početka mandata. Zatražio je spisak komisija imenovanih od početka mandata sa imenima članova, njihovim radnim mjestom i vrstom stručne spreme.

Treće pitanje odnosi se na dostavljanje prijedloga Federalnog ministarstva kulture i sporta za komisije, radna tijela i ostalo, koje je predloženo od početka ovog mandata prema drugim državnim i federalnim institucijama. Zanima ga da li su imenovane osobe uposlenici Ministarstva, vrsta stručne spreme i radno mjesto, ukoliko se radi o uposlenicima Ministarstva.

**Amil Buljubašić** postavio je pitanje vezano za Uredbu o izmjenama Uredbe o naknadama koje pripadaju članovima Vlade FBiH i njihovim savjetnicima koje nemaju karakter plaće, a koja podrazumijeva povećanje naknade za odvojeni život na 300 KM za ministre i 250 KM za njihove savjetnike.

**Aner Žuljević** postavio je pitanje Vladi Federacije u vezi sa podzakonskim aktima koji su doneseni na osnovu izmjena i dopuna Zakona o državnoj službi u Federaciji Bosne i Hercegovine.

**Osman Ćatić**, u ime Kluba delegata bošnjačkog naroda, obavijestio je Dom naroda da je Klub donio Zaključak kojim je zatražio od predsjednika, potpredsjednika i premijera Federacije da podnesu zahtjev za ocjenu ustavnosti Uputstva za određivanje učešća kantona, jedinica lokalne samouprave i nadležnih kantonalnih ustanova za ceste u prihodima od indirektnih poreza i načinu raspoređivanja tih prihoda za 2016. godinu, te ocjenu ustavnosti člana 13. Zakona o sudovima u Federaciji Bosni i Hercegovini. Lično je pokrenuo Inicijativu za izmjenu Zakona o zaštiti i spašavanju ljudi i materijalnih dobara od prirodnih i drugih nesreća i za izmjenu Uputstva o načinu obračunavanja i uplati posebnog poreza za zaštitu od prirodnih i drugih nesreća.

**Lidija Bradara** postavila je dva pitanja i pokrenula dvije inicijative.

Prvo pitanje postavila je ministrima u Vladi Federacije i zatražila pismeni odgovor u tabelama na pitanje: Kojim subjektima i po kojim kriterijima su vršili isplate tekućih transfera i drugih tekućih rashoda u 2015. godini po općinama, kantonima i subjektima?

Drugo pitanje postavila je Federalnom zavodu za statistiku i zatražila pismeni odgovor na pitanje: Na osnovu kojih pokazatelja su urađene procjene o broju stanovnika u općinama i kantonima Federacije BiH, kao glavnom kriteriju raspodjele javnih prihoda?

“To utemeljim činjenicom da se utvrdilo da su u pojedinim općinama Zavod striktno držao podataka dobivenih prilikom popisa stanovništva iz 1991. godine, dok se u drugim sredinama vršila vlastita procjena Zavoda za statistiku pa mene zanima na koji način je Zavod za statistiku vršio te procjene broja stanovnika u određenim općinama i kantonima?”

Pokrenula je inicijativu da se provedu mjere iz Rezolucije o sprečavanju maloljetničke delikvencije i postupanju u slučaju nasilja među djecom i mladima koju je donio Dom naroda Parlamenta Federacije BiH.

Nakon delegatskih pitanja i inicijativa prešli su na utvrđivanje dnevnog reda.

Vlada Federacije Bosne i Hercegovine dostavila je Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala s prijedlogom da se razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 32 glasa za, tri glasa protiv i tri uzdržana glasa, prihvatio da se Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala razmatra po skraćenom postupku.

Vlada Federacije 19. januara 2016. godine dostavila je Parlamentu Federacije dopis kojim predlaže da se u dnevni red današnje sjednice Doma naroda, u okviru točke 12., uvrsti podtačka - Informacija Federalnog ministarstva energije, rudarstva i industrije o aktivnostima o postupku izdavanja energetske dozvole za izgradnju vjetroelektrane „Kupres 1“ privrednog društva KAMEN-DENT d.o.o. Mostar, i Prijedlog zaključka o davanju prethodne saglasnosti u postupku izdavanja energetske dozvole privrednom društvu KAMEN-DENT d.o.o. Mostar.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, tri glasa protiv i tri uzdržana glasa, prihvatio da se u dnevni red današnje sjednice Doma naroda u okviru tačke 12. uvrsti podtačka - Informacija Federalnog ministarstva energije, rudarstva i industrije o aktivnostima o postupku izdavanja energetske dozvole za izgradnju vjetroelektrane „Kupres 1“ privrednog društva KAMEN-DENT d.o.o. Mostar, i Prijedlog zaključka o davanju prethodne saglasnosti u postupku izdavanja energetske dozvole privrednom društvu KAMEN-DENT d.o.o. Mostar.

Predsjedavajuća je obavijestila delegate da je Dom naroda Parlamenta Federacije Bosne i Hercegovine na Osmoj sjednici održanoj 11. februara 2016. godine, u prethodnom postupku odlučio da Prijedlog zakona o energijskoj efikasnosti u Federaciji BiH skine s dnevnoga reda, budući da je Vlada Federacije uputila dopis kojim predlaže da se Prijedlog zakona skine s dnevnog reda i razmatra na jednoj od narednih sjednica do kada će Federalno ministarstvo energije, rudarstva i industrije obaviti potrebne konsultacije u vezi sa Prijedlogom zakona o energetske efikasnosti u Federaciji BiH.

Predsjedavajuća je obavijestila delegate da se s dnevnog reda **skida** Izvještaj o zaduženju Federacije Bosne i Hercegovine po osnovu emisije trezorskih zapisa na dan 21. 7. 2015. godine koji je Vlada Federacije usvojila na 18. sjednici 20. 8. 2015. godine. Navedeni Izvještaj Dom naroda razmatrao je i primio k znanju na Četvrtoj sjednici 19. 11. 2015. godine.

Budući da nije bilo prijedloga za izmjenu i dopunu predloženog dnevnog reda, predsjedavajuća je konstatovala da je Dom naroda Parlamenta Federacije Bosne i Hercegovine, sa 43 glasa za, usvojio sljedeći

## DNEVNI RED

1. Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala - skraćeni postupak,
2. Prijedlog zakona o komasaciji,
3. Prijedlog zakona o porezu na dobit,
4. Nacrt zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neplaćenim javnim prihodima u periodu od 2009. do 2015. godine,
5. Nacrt zakona o izmjenama i dopunama zakona o zaštiti od nasilja u porodici,
6. Prijedlog odluke o davanju saglasnosti na Odluku Upravnog odbora Zavoda za zbrinjavanje mentalno invalidnih lica - Drin,
7. Izvještaj o zaduženju Federacije Bosne i Hercegovine po osnovu emisije trezorskih zapisa na dan 19. 5. 2015. godine,
8. Izvještaj o zaduženju Federacije Bosne i Hercegovine po osnovu emisije trezorskih zapisa (po osnovu unutrašnjeg zaduženja u iznosu od 19.933.149,00 KM),
9. Izvještaj o zaduženju Federacije Bosne i Hercegovine po osnovu emisije trezorskih zapisa (po osnovu unutrašnjeg zaduženja u iznosu od 19.030.000,00 KM),
10. Izvještaj o zaduženju Federacije Bosne i Hercegovine po osnovu emisije trezorskih zapisa na dan 8. 9. 2015. godine koji je Vlada Federacije usvojila na 23. sjednici od 23. 9. 2015. godine,
11. - Informacija o aktivnostima u postupku izdavanja Energetske dozvole za izgradnju VE Debelo brdo privrednog društva KONCIG d.o.o. Posušje,
  - Informacija o aktivnostima u postupku izdavanja Energetske dozvole za izgradnju VE Podveležje Javnog preduzeća Elektroprivreda Bosne i Hercegovine d.d. —Sarajevo,

- Informacija o aktivnostima u postupku izdavanja Energetske dozvole za izgradnju VE Jelovača privrednog društva F.L. WIND d.o.o. Tomislavgrad,
- Informacija Federalnog ministarstva energije, rudarstva i industrije o aktivnostima o postupku izdavanja energetske dozvole za izgradnju vjetroelektrane „Kupres 1“ privrednog društva KAMEN-DENT d.o.o. Mostar,
- Prijedlog zaključka o davanju prethodne saglasnosti u postupku izdavanja Energetske dozvole privrednom društvu KONCIG d.o.o. Posušje
- Prijedlog zaključka o davanju prethodne saglasnosti u postupku izdavanja Energetske dozvole privrednom društvu JP Elektroprivreda BiH d.d. - Sarajevo
- Prijedlog zaključka o davanju prethodne saglasnosti u postupku izdavanja Energetske dozvole za izgradnju VE Jelovača privrednom društvu F.L. WIND d.o.o. Tomislavgrad,
- Prijedlog zaključka o davanju prethodne saglasnosti u postupku izdavanja energetske dozvole privrednom društvu KAMEN-DENT d.o.o. Mostar,

## 12. Izbor i imenovanja.

### **1. Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala - skraćeni postupak**

Prijedlog zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je na Trećoj sjednici, održanoj 27.10. 2015. godine, usvojio Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

U raspravi su učestvovali: Mirvet Beganović, Rasim Dostović i Željko Mirković.



Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 39 glasova za i jednim uzdržanim glasom, usvojio Prijedlog zakona o izmjeni Zakona o prikupljanju, proizvodnji i prometu sekundarnih sirovina i otpadnih materijala.

## 2. Prijedlog zakona o komasaciji

Prijedlog zakona utvrdila je Vlada Federacije.

Uz Prijedlog zakona dostavljen je Izvještaj o provedenoj javnoj raspravi o Nacrtu ovog zakona.

Predstavnički dom Parlamenta Federacije obavijestio je Dom naroda da je na Trećoj sjednici, održanoj 27.10. 2015. godine, usvojio Prijedlog zakona o komasaciji u tekstu kako ga je predložila Vlada Federacije.

Prijedlog zakona razmatrala su nadležna radna tijela i dostavila svoje izvještaje.

U raspravi su učestvovali: Admir Hadžipašić, Željko Mirković i Slaviša Šućur, predsjednik Kluba delegata srpskog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za i tri uzdržana glasa, usvojio Prijedlog zakona o komasaciji.

## 3. Prijedlog zakona o porezu na dobit

Prijedlog zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je na Sedmoj sjednici, održanoj 3. 2. 2016. godine, usvojio Prijedlog zakona o porezu na dobit, sa amandmanom Vlade FBiH, koji je postao sastavni dio Prijedloga zakona.

Amandman se odnosi na član 62. riječi: „a primjenjivat će se od 01.01. 2016. godine“ brišu se.

Na Prijedlog zakona amandmane su podnijeli **Draženka Subašić i Aner Žuljević.**

Draženka Subašić podnijela je dva amandmana koji se odnose na čl. 35 i 36.

Aner Žuljević podnio je četiri amandmana koji se odnose na član 11. stav 4., član 36., član 36. stav 2. i član 62.

Amandmani su dostavljeni Vladi Federacije na izjašnjenje.

Prijedlog zakona razmatrala su nadležna radna tijela i dostavila svoje izvještaje.

Prijedlog zakona obrazložila je Jelka Milićević, federalna ministrica finansija. Izjavila je da Vlada Federacije ne prihvata podnesene amandane.

U raspravi su učestvovali: Muhamed Kozadra, Draženka Subašić, Aner Žuljević, Slađan Ilić i Jelka Milićević.

Budući da podnosioci amandmana nisu odustali od amandmana, predsjedavajuća ih je stavila na glasanje i konstatovala da:

- Dom naroda **nije usvojio** Amandman I Draženke Subašić. Za je glasalo 20 delegata, 19 delegata je bilo uzdržano, a četiri delegata su bila protiv;
- Dom naroda **nije usvojio** Amandman II Draženke Subašić. Za je glasalo 20 delegata, 20 delegata je bilo uzdržano, a pet delegata je bilo protiv;
- Dom naroda **nije usvojio** Amandman I Anera Žuljevića. Za je glasalo 18 delegata, 16 delegata je bilo uzdržano, a devet delegata je bilo protiv;
- Amandman II je istovjetan Amandmanu Vlade Federacije, koji je podnijela na sjednici Predstavničkog doma, pa se o njemu nije glasalo;
- Dom naroda **nije usvojio** Amandman III Anera Žuljevića. Za je glasalo 17 delegata, 18 delegata je bilo uzdržano, a osam delegata je bilo protiv;
- Dom naroda **nije usvojio** Amandman IV Anera Žuljevića. Za je glasalo 17 delegata, 19 delegata je bilo uzdržano, a osam delegata je bilo protiv.

Dom je, zatim, glasao o Prijedlogu zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 33 glasa za, devet glasova protiv i dva uzdržana, glasa usvojio Prijedlog zakona o porezu na dobit.

#### **4. Nacrt zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine**

Nacrt zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je na Trećoj sjednici, održanoj 27.10. 2015. godine, razmatrao i prihvatio Nacrt zakona o izmjenama Zakona o finansijskoj konsolidaciji rudnika ugljena u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine.

Nacrt zakona razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za i jednim glasom protiv, usvojio sljedeći:

### **ZAKLJUČAK**

Dom naroda prihvata Nacrt zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim, a neuplaćenim javnim prihodima u periodu od 2009. do 2015. godine i smatra da može poslužiti kao osnov za izradu Prijedloga zakona.

#### **5. Nacrt zakona o izmjenama i dopunama zakona o zaštiti od nasilja u porodici**

Nacrt zakona utvrdila je Vlada Federacije.

Predstavnički dom Parlamenta Federacije obavijestio je Dom naroda da je u nastavku Pete sjednice, održane 2.12. 2015. godine, razmatrao i prihvatio Nacrt zakona o izmjenama i dopunama zakona o zaštiti od nasilja u porodici, i tom prilikom ovaj Nacrt zakona stavio na javnu raspravu.

Nacrt zakona razmatrala su nadležna radna tijela i dostavila svoje izvještaje.

U raspravi su učestvovali: Aner Žuljević i Lidija Bradara.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 40 glasova za, usvojio sljedeći:

## ZAKLJUČAK

1. Dom naroda prihvata Nacrt zakona o izmjenama i dopunama zakona o zaštiti od nasilja u porodici i smatra da može poslužiti kao osnov za izradu Prijedloga zakona.
2. Zadužuje se Vlada Federacije Bosne i Hercegovine da organizuje i provede javnu raspravu u trajanju od 90 dana, te da Nacrt ovog zakona uputi kantonalnim skupštinama radi davanja mišljenja u skladu sa procedurom propisanom Ustavom Federacije iz zajedničkih nadležnosti federalne vlasti i kantona.
3. Zadužuje se Vlada Federacije Bosne i Hercegovine da, prilikom izrade Prijedloga zakona, ima u vidu sugestije, primjedbe i prijedloge iznesene na sjednici Doma naroda i u javnoj raspravi.

### **6. Prijedlog odluke o davanju saglasnosti na Odluku Upravnog odbora Zavoda za zbrinjavanje mentalno invalidnih lica - Drin**

Vlada Federacije dostavila je Prijedlog odluke Parlamentu Federacije radi razmatranja i donošenja.

Predstavnički dom Parlamenta Federacije obavijestio je Dom naroda da je u nastavku Pete sjednice, održane 2.12. 2015. godine, donio Odluku o davanju saglasnosti na Odluku Upravnog odbora Zavoda za zbrinjavanje mentalno invalidnih lica - Drin broj 02-49-3806/14 od 25. 9. 2014. godine.

Prijedlog odluke razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, donio Odluku o davanju saglasnosti na Odluku Upravnog odbora Zavoda za zbrinjavanje mentalno invalidnih lica - Drin broj 02-49-3806/14 od 25. 9. 2014. godine.

Predsjedavajuća je predložila da se o tačkama 7., 8., 9. i 10. vodi zajednička rasprava, što su delegati prihvatili.

- 7. Izvještaj o zaduženju Federacije Bosne i Hercegovine po osnovu emisije trezorskih zapisa na dan 19. 5. 2015. godine,**
- 8. Izvještaj o zaduženju Federacije Bosne i Hercegovine po osnovu emisije trezorskih zapisa (po osnovu unutrašnjeg zaduženja u iznosu od 19.933.149,00 KM),**
- 9. Izvještaj o zaduženju Federacije Bosne i Hercegovine po osnovu emisije trezorskih zapisa (po osnovu unutrašnjeg zaduženja u iznosu od 19.030.000,00 KM),**
- 10. Izvještaj o zaduženju Federacije Bosne i Hercegovine po osnovu emisije trezorskih zapisa na dan 8. 9. 2015. godine koji je Vlada Federacije usvojila na 23. sjednici od 23. 9. 2015. godine**

Vlada Federacije Bosne i Hercegovine dostavila je, radi informisanja, Parlamentu Federacije ove izvještaje.

U raspravi je učestvovao Muhamed Kozadra.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 34 glasa za i jednim uzdržanim glasom, primio k znanju Izvještaj o zaduženju Federacije Bosne i Hercegovine po osnovu emisije trezorskih zapisa na dan 19. 5. 2015. godine, Izvještaj o zaduženju Federacije Bosne i Hercegovine po osnovu emisije trezorskih zapisa (po osnovu unutrašnjeg zaduženja u iznosu od 19.933.149,00 KM), Izvještaj o zaduženju Federacije Bosne i Hercegovine po osnovu emisije trezorskih zapisa (po osnovu unutrašnjeg zaduženja u iznosu od 19.030.000,00 KM) i Izvještaj o zaduženju Federacije Bosne i Hercegovine po osnovu emisije trezorskih zapisa na dan 8. 9. 2015. godine.

- 11. - Informacija o aktivnostima u postupku izdavanja Energetske dozvole za izgradnju VE Debelo brdo privrednog društva KONCIG d.o.o. Posušje,**
  - Informacija o aktivnostima u postupku izdavanja Energetske dozvole za izgradnju VE Podveležje Javnog preduzeća Elektroprivreda Bosne i Hercegovine d.d.- Sarajevo,**
  - Informacija o aktivnostima u postupku izdavanja Energetske dozvole za izgradnju VE Jelovača privrednog društva F.L. WIND d.o.o. Tomislavgrad,**

- **Informacija Federalnog ministarstva energije, rudarstva i industrije o aktivnostima o postupku izdavanja energetske dozvole za izgradnju vjetroelektrane „Kupres 1“ privrednog društva KAMEN-DENT d.o.o. Mostar,**
- **Prijedlog zaključka o davanju prethodne saglasnosti u postupku izdavanja Energetske dozvole privrednom društvu KONCIG d.o.o. Posušje,**
- **Prijedlog zaključka o davanju prethodne saglasnosti u postupku izdavanja Energetske dozvole privrednom društvu JP Elektroprivreda BiH d.d.- Sarajevo,**
- **Prijedlog zaključka o davanju prethodne saglasnosti u postupku izdavanja Energetske dozvole za izgradnju VE Jelovača privrednom društvu F.L. WIND d.o.o. Tomislavgrad,**
- **Prijedlog zaključka o davanju prethodne saglasnosti u postupku izdavanja energetske dozvole privrednom društvu KAMEN-DENT d.o.o. Mostar.**

Informacije je utvrdila Vlada Federacije i dostavila ih Parlamentu Federacije radi razmatranja, a Prijedloge zaključaka radi donošenja.

Predstavnički dom Parlamenta FBiH, obavijestio je Dom naroda da na Sedmoj sjednici, održanoj 3. 2. 2016. godine, donio Zaključak o davanju prethodne saglasnosti u postupku izdavanja Energetske dozvole privrednom društvu JP Elektroprivreda BiH d.d. Sarajevo za izgradnju VE „Podveležje“, Zaključak o davanju prethodne saglasnosti u postupku izdavanja Energetske dozvole privrednom društvu F.L. WIND d.o.o. Tomislavgrad za izgradnju VE „Jelovača“, Zaključak o davanju prethodne saglasnosti u postupku izdavanja Energetske dozvole privrednom društvu KONCIG d.o.o. Posušje za izgradnju VE „Debelo brdo“ i Zaključak o davanju prethodne suglasnosti u postupku izdavanja Energetske dozvole privrednom društvu KAMEN-DENT d.o.o. Mostar za izgradnju VE „Kupres 1“.

Informacije i Prijedloge zaključaka razmatrala su nadležna radna tijela i dostavila svoje izvještaje.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 36 glasova za, jednim uzdržanim i bez glasova protiv, usvojio Informaciju o aktivnostima u

postupku izdavanja energetske dozvole za izgradnju vjetroelektrane Debelo brdo privrednog društva Koncig d.o.o Posušje.

Na osnovu rezultata glasanja, predsjedavajuća je konstatovala da je Dom naroda Parlamenta FBiH, sa 33 glasa za, tri uzdržana i bez glasova protiv, donio Zaključak o davanju prethodne saglasnosti o postupku izdavanja energetske dozvole privrednom društvu Koncig d.o.o Posušje.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 33 glasa za, jednim uzdržanim i bez glasova protiv, usvojio Informaciju o aktivnostima u postupku izdavanja energetske dozvole za izgradnju vjetroelektrane Podveležje Javno preduzeće Elektroprivreda BiH d.d. Sarajevo.

Na osnovu rezultata glasanja, predsjedavajuća je konstatovala da je Dom naroda Parlamenta Federacije, sa 34 glasa za, dva uzdržana i bez glasova protiv, donio Zaključak o davanju prethodne saglasnosti u postupku izdavanja energetske dozvole privrednom društvu Elektroprivreda BiH d.d. Sarajevo.

Na osnovu rezultata glasanja, predsjedavajuća je konstatovala da je Dom naroda Parlamenta FBiH, sa 33 glasa za, tri uzdržana i jednim protiv, usvojio Informaciju o aktivnosti postupka izdavanja energetske dozvole za vjetroelektranu Jelovača privrednog društva FL VIND d.o.o Tomislavgrad.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 33 glasa za, jednim uzdržanim i bez glasova protiv, donio Zaključak o davanju prethodne saglasnosti u postupku izdavanja energetske dozvole za izgradnju vjetroelektrane Jelovača privrednom društvu FL VIND d.o.o Tomislavgrad.

Na osnovu rezultata glasanja, predsjedavajuća je konstatovala da je Dom naroda Parlamenta FBiH, sa 36 glasova za, jednim uzdržanim i bez glasova protiv, usvojio Informaciju Federalnog ministarstva energije rudarstva i industrije o aktivnostima u postupku izdavanja energetske dozvole za izgradnju vjetroelektrane Kupres i privrednog društva KAMEN DENT d.o.o Mostar.

Na osnovu rezultata glasanja, predsjedavajuća je konstatovala da je Dom naroda Parlamenta FBiH, sa 36 glasova za, bez uzdržanih i bez glasova protiv, donio Zaključak o davanju prethodne saglasnosti u postupku izdavanja energetske dozvole privrednom društvu KAMEN DENT d.o.o Mostar.

## 12. Izbor i imenovanja

### **a) Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovine**

Komisija za izbor i imenovanja Doma naroda utvrdila je Prijedlog odluke o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovina, kojim je predloženo da se u Odbor za denacionalizaciju i privatizaciju umjesto Nikole Simića kao člana Odbora, izabere Mile Marčeta, a u Komisiju za jezička pitanja iz reda stručnih, naučnih, kulturnih i javnih radnika izabere Gospava Kozar.

U raspravi nije niko učestvovao.

Na osnovu rezultata glasanja predsjedavajuća je konstatovala da je Dom naroda Parlamenta Federacije Bosne i Hercegovina, sa 36 glasova za, donio Odluku o izmjenama Odluke o izboru predsjednika, zamjenika predsjednika i članova radnih tijela Doma naroda Parlamenta Federacije Bosne i Hercegovina, kojom je u Odbor za denacionalizaciju i privatizaciju umjesto Nikole Simića kao člana Odbora izabran Mile Marčeta, a u Komisiju za jezička pitanja iz reda stručnih naučnih, kulturnih i javnih radnika izabrana Gospava Kozar.

### **b) Prijedlog odluke o izboru predsjednika i zamjenika predsjednika Zajedničke komisije za usaglašavanje različito usvojenih tekstova zakona u domovima Parlamenta Federacije Bosne i Hercegovine**

Predstavnički dom Parlamenta Federacije obavijestio je Dom naroda da je na Sedmoj sjednici, održanoj 3. 2. 2016. godine, donio Odluku o izboru predsjednika i zamjenika predsjednika Zajedničke komisije za usaglašavanje različito usvojenih tekstova zakona u domovima Parlamenta Federacije Bosne i Hercegovine.

Komisija za izbor i imenovanja Doma naroda utvrdila je Prijedlog odluke o izboru predsjednika i zamjenika predsjednika Zajedničke komisije za usaglašavanje različito usvojenih tekstova kojim je predloženo da se za predsjednika Zajedničke komisije za usaglašavanje različito usvojenih tekstova zakona u domovima Parlamenta Federacije Bosne i Hercegovine izabere Jasenko Tufekčić, a za zamjenika predsjednika Dario Knezović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 36 glasova za, jednim glasom protiv i jednim uzdržanim glasom, donio Odluku o izboru



predsjednika i zamjenika predsjednika Zajedničke komisije za usaglašavanje različito usvojenih tekstova, kojom je za predsjednika Zajedničke komisije za usaglašavanje različito usvojenih tekstova zakona u domovima Parlamenta Federacije BiH izabran **Jasenko Tufekčić**, a za zamjenika predsjednika **Dario Knezović**.

**c) Prijedlog odluke o imenovanju generalnog revizora i zamjenika generalnog revizora Federacije Bosne i Hercegovine**

Na osnovu člana 24. Zakona o reviziji institucija u Federaciji Bosne i Hercegovine („Službene novine Federacije BiH“, broj 22/06), generalnog revizora i zamjenika generalnog revizora imenuje Parlament Federacije Bosne i Hercegovine, na prijedlog predsjednika Federacije Bosne i Hercegovine.

Komisija za izbor i imenovanja Doma naroda utvrdila je Prijedlog odluke o imenovanju generalnog revizora i zamjenika generalnog revizora Federacije Bosne i Hercegovina, kojim je predloženo da se za generalnog revizora imenuje **Dževad Nekić**, a za zamjenika generalnog revizora **Dragan Kolobarić**.

U raspravi je učestvovao Slaviša Šućur.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovina, sa 31 glasom za, jednim glasom protiv i sedam uzdržanih glasova, donio Odluku o imenovanju generalnog revizora i zamjenika generalnog revizora Federacije Bosne i Hercegovine kojom je za generalnog revizora imenovan **Dževad Nekić**, a za zamjenika generalnog revizora **Dragan Kolobarić**.

Sjednica je završena u 17:10.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Lidija Bradara